

劍南詩鈔

卷一

一

二

三

劍南詩鈔

宋陸游務觀著

昆陵楊大鶴芝田選
侯官許貞幹豫生校

七言律上

新夏感事

百花過盡綠陰成
漠漠爐香睡晚晴
病起兼旬疎把酒
山深四月始聞鶯
近傳下詔通言路
已卜餘年見太平
聖主不忘初政美
小儒惟有涕縱橫

留題雲門草堂

小住初為旬月期
二年留滯未應非
尋碑野寺雲生屨
送客溪橋雪滿衣
親滌硯池餘墨漬
卧看爐面散煙霏
他年游宦應無此
早買漁蓑未老歸

寄陳魯山二首

陳時調
官部下

選一

諸公貴人識面稀
胸中璀璨漫珠璣
即今舉手遮西日
應有流塵化素衣
舊學極知難少貶
吾儕持此欲安歸
夜來風雨空堂靜
忽憶燈前語入微
渡浮橋至南臺

客中多病廢登臨
聞說南臺試一尋
九軌徐行怒濤上
千艘橫繫大江心

寺樓鐘鼓催昏曉，墟落煙雲自古今。
白髮未除豪氣在，醉吹橫笛坐榕陰。
送杜起莘殿院出守遂甯

羽檄聯翩晝夜馳，臣憂顧不在邊陲。
軍容地密甯當議，陛下恩深不忍欺。
白簡萬言幾慟哭，青編一傳可前知。
平生所學今無負，未歎還鄉兩鬢絲。
送七兄赴揚州帥幕

初報邊烽照石頭，旋聞胡馬集瓜洲。
諸公誰聽蒯縵策，吾輩空懷猷猷憂。
急雪打窗心共碎，危樓望遠涕俱流。
豈知今日淮南路，亂絮飛花送客舟。
出都

重入修門甫歲餘，又攜琴劍返江湖。
乾坤浩浩何由報，犬馬區區正自愚。
酒熟且為蓮社客，伴來喜對草堂圖。
西廂屋了吾真足，高枕看雲一事無。
曾原伯屢勸居城中，而僕方欲自梅山入雲門。
今日病酒偶得長句奉寄

借得僧房似釣船，兼旬散髮醉江天。
酒能作病真如此，窮乃工詩却未然。
閒似白鷗雖自許，健如黃犢已無緣。
秋高更欲移家去，先葺雲門屋數椽。

村居

富貴功名不擬論，且浮舴艋寄煙村。
生憎快馬隨鞭影，甯作癡人記劍痕。
樵牧相諳欲爭席，比鄰漸熟約論婚。
晨昏晝夜績吾家，舊正要遺風付子孫。

夏夜泛舟書所見

山房猶復畏炎蒸，長掩柴門媿老僧。
兩槳去搖東浦月，一龕回望上方燈。
驚飛宿鳥時呼侶，騰起長魚有脫罾。
夜半歸來步松影，真成赤脚踏層冰。

晨起偶題

城遠不聞長短更，上方鐘鼓自分明。
幽居不負秋來睡，末路偏諳世上情。
大事豈堪重破壞，窮人難與共功名。
風爐歛鉢生涯在，且試新寒芋糲羹。

逍遙

臺省諸公日造朝，放慵別駕媿逍遙。
州如斗大真無事，日抵年長未易消。
午坐焚香常寂寂，晨興署事亦寥寥。
時平更喜戈船靜，閒看城邊帶雨潮。

病中簡仲彌性唐克明蘇訓直

移疾還家暫曲肱，依然耐久北窗燈。
心如澤國春歸雁，身是雲堂早過僧。

細雨佩壺尋廢寺夕陽下馬吊荒陵小留莫厭時追逐勝社年來冷欲冰
三君皆有歸志故云

送呂彥升參謀

楚塞蕭條久宿師參謀承詔上丹墀苦言到口真當發聖度如天莫自疑
萬里寄聲長不達一尊相屬豈前期遙憐霜曉朝衣冷深愧江城睡足時
望江道中

吾道非耶來曠野江濤始此去何之起隨烏鵲初翻後宿及牛羊欲下時
風力漸添帆力健艣聲常雜雁聲悲晚來又入淮南路紅樹青山合有詩
秋夜讀書每以二鼓壺為節

腐儒碌碌數無奇獨喜遺編不我欺白髮無情侵老境青燈有味似兒時
高梧策策傳寒意臺鼓鑿鑿迫睡期秋夜漸長飢作祟一杯山藥進瓊糜
去年余佐京口遇王嘉叟從張魏公督師過馬魏公道免相嘉叟亦
出守莆陽近辱書報魏公已葬衡山感歎不已因用所遺拄頰亭
詩韻奉寄

河亭挈手共徘徊萬事甯非有數哉黃閣相君三黜去青雲萬事一麾來
中原故老知誰在南嶽新丘共此哀火冷夜窗聽急雪相思時取近書開
自詠示客

衰髮蕭蕭老郡丞漢州入看上元燈羞將枉直分尋尺甯走東西就斗升
吏進飽語猶紙尾客來苦勸摸牀稜歸裝漸理君知否笑指廬山古澗藤

廬山僧近寄
藤杖甚奇

燒香

茹芝却粒世無方隨食江湖每自傷千里一身鳬泛泛十年萬事海茫茫
春來鄉夢憑誰說歸去君恩未敢忘一寸丹心幸無媿庭空月白夜燒香
初夏道中

桑間甚熟來齊腰鶯語惺惺野雉驕日薄人家晒蠶子雨餘山客買魚苗
豐年隨處俱堪樂行路終然不自聊獨喜此身強健在又搖團扇著絳蕉
示兒子

父子扶攜返故鄉欣然擊壤詠陶唐墓前自誓甯非隘澤畔行吟未免狂

雨潤北窗看洗竹霜清南陌課剝桑秋毫何者非君賜回首修門敢遽忘
過玉山辱為國器檢詳留語甚勤因寄此詩兼呈韓死咎右司

遼東歸老白襦裙名字何堪遣世間便謂與公長契闊不知留語故殷勤
詩章有便猶應寄祿米無多切莫分

舊見檢詳俸甚薄故有此戲

倘見右司煩說似每

因風月愴離羣

遊山西村

莫笑農家臘酒渾豐年留客足雞豚山重水複疑無路柳暗花明又一村
簫鼓追隨春社近衣冠簡朴古風存從今若許閒乘月拄杖無時夜叩門
觀村童戲溪上

雨餘溪水掠隄平間看村童戲晚晴竹馬踉蹌衝淖去紙鳶跋扈挾風鳴
三冬暫就儒生學

村人惟冬三月遣兒童入小學

千耦還從父老耕識字粗堪供賦役不
須辛苦慕公卿

上虞逆旅見舊題歲月感懷

舴艋為家東復西今朝破曉下前溪青山缺處日初上孤店開時鶯亂啼

倦枕不成千里夢，壞牆閒覓十年題。
漆園傲吏猶非達，物我區區豈足齊。
舜廟懷古

雲斷蒼梧竟不歸，江邊古廟鎖朱扉。
山川不為興亡改，風月應憐感慨非。
孤枕有時鶯喚夢，斜風無賴客添衣。
千年回首消磨盡，輸與漁舟送落暉。
霜風

十月霜風吼屋邊，衣裘未辦一絰絛。
豈惟飢索鄰僧米，真是寒無坐客氈。
身老嘯歌悲永夜，家貧撐拄過凶年。
丈夫經此甯非福，破涕燈前一粲然。
獨學

師友凋零身白首，杜門獨學就誰評。
秋風棄扇知安命，小炷留燈悟養生。
踵息無聲酣午枕，舌根忘味美晨烹。
少年妄起功名念，豈信身閒心太平。
黃庭經閑暇無事心太平

僧房假榻

過盡青山喚渡船，晚窗洗脚卧僧氈。
剡償平日清遊願，更結來生熟睡緣。
吞啄漸稀如老鶴，鳴聲已斷似寒蟬。
旁觀莫苦嘲癡鈍，此妙吾宗秘不傳。

題徐子禮宗承自覺齋

末俗紛紛只自謾惟公肯向靜中觀閒看此事從何得正自他人著力難
茶熟松風生石鼎香殘雲縷繞蒲團江湖多少癡禪衲蹋破青鞵覓話端

送芮國器司業二首

選二

往歲淮邊虜未歸諸生合疏論危機人材衰靡方當慮士氣崢嶸未可非
萬事不如公論久諸賢莫與衆心違還朝此段宜先及豈獨遺經賴發揮
吊李翰林墓

欲似長鯨快吸川思如渴驥勇奔泉客從縣令初何有醉忤將軍亦偶然
駿馬名姬如昨日斷碑喬木不知年浮生今古同歸此回首桓公亦故阡
桓溫冢亦在當塗

雨中泊趙屯有感

歸燕羈鴻共斷魂
落花楓葉泊孤村
風吹暗浪重添纜
雨送新寒半掩門
魚市人煙橫慘淡
龍祠簫鼓鬧黃昏
此身且健無餘恨
行路雖難莫更論

黃州

局促常悲類楚囚，遷流還歎學齊優。
江聲不盡英雄恨，天意無私草木秋。
萬里羈愁添白髮，一帆寒日過黃州。
君看赤壁終陳迹，生子何須似仲謀。

武昌感事

百萬呼盧事已空，新寒擁褐一衰翁。
但悲鬢色成枯草，不恨生涯似斷蓬。
煙雨淒迷雲夢澤，山川蕭瑟武昌宮。
西遊處處堪流涕，撫枕悲歌興未窮。

哀郢二首

遣接商周祚最長，北盟齊晉勢爭強。
章華歌舞終蕭瑟，雲夢風煙舊莽蒼。
草合故宮惟雁起，盜穿荒冢有狐藏。
離騷未盡靈均恨，志士千秋淚滿裳。
荊州十月早梅春，徂歲真同下阪輪。
天地何心窮壯士，江湖從古著羈臣。
淋漓痛飲長亭暮，慷慨悲歌白髮新。
欲吊章華無處問，廢城霜露濕荆榛。

初寒

船尾寒風不滿旗，江邊叢祠常掩扉。
行人畏虎少晨起，舟子捕魚多夜歸。
茆葉翻翻帶宿雨，葦花漠漠弄斜暉。
傷心到處聞砧杵，九月今年未授衣。

江夏與章冠之遇別後寄贈

騎鶴仙人不可呼一樽猶得與君俱
未應湖海無豪士長恨乾坤有腐儒
壯歲光陰隨手過晚途衰病要人扶
淒涼江夏秋風裏况見新豐舊酒徒
馬上

燈前薄飣陳鹽齏帶睡強出行
江堤五更落月移樹影十月清霜侵馬蹄
荒陂噫噫已度雁小市喔喔初鳴雞
可憐萬里覓歸夢未到故山先自迷

晚泊松滋渡口二首

選二

小灘拍拍鸕鷀飛深竹蕭蕭杜宇悲
看鏡不堪衰病後繫船最好夕陽時
生涯落魄惟耽酒客路蒼茫自詠詩
莫問長安在何許亂山孤店是松滋
過東湍灘入馬肝峽

書生就食等奔逃道路崎嶇信所遭
船上急灘如退鷁人緣絕壁似飛猱
口誇遠嶺青千疊心憶平波綠一篙
猶勝溪丁絕輕死無時來往駕舸艚

峽中小船
謂之舸艚

巴東令解白雲亭

寇公壯歲落巴蠻得意孤亭縹緲間
常倚曲闌貪看水不安四壁怕遮山

遺民雖盡猶能說老令初來亦愛閒正使官清貧至骨未妨留客聽潺潺

雪晴

臘盡春生白帝城俸錢雖薄勝躬耕眼前但恨親朋少身外原知得喪輕
日映滿窗松竹影雪消並舍烏鳥聲老來莫道風情減憶向煙蕪信馬行

山寺

籃輿送客過江村小寺無人半掩門古佛負牆塵漠漠孤燈照殿雨昏昏
喜投禪榻聊尋夢嬾為啼猿更斷魂要識人間盛衰理岸沙君看去年痕

峽漲時水高數十丈至冬盡落

寒食

峽雲烘日欲成霞灤水生紋淺見沙又向蠻方作寒食強持卮酒對梨花
身如巢燕年年客心羨遊僧處處家賴有春風能領略一生相伴遍天涯

晚晴書事呈同舍

試院作

魚復城邊夕照紅物華偏解惱衰翁已鶯有恨啼芳樹野水無情人故宮
許國漸疎悲壯志讀書多忘媿新功因君共語增惆悵京洛交遊欲半空

鄰中每以寒食立夏之間省墳客變適逢此時悽然感懷二首

選一

松陰繫馬啟朱扉
妝粧青紅正此時
守墓萬家猶有日
及親三釜永無期
詩成謾寫天涯感
淚盡何由地下知
富貴賤貧俱有恨
此生長廢蓼莪詩

自詠

朝衣無色如霜葉
將奈雲安別駕何
鐘鼎山林俱不遂
聲名官職兩無多
低昂未免聞雞舞
慷慨猶能擊筑歌
頭白伴人書紙尾
只思歸去弄煙波

初夏新晴

曲徑泥新晚照明
小軒纔受一牀橫
翩翩乳燕穿簾影
耿耿新篁解籜聲
藥物屏除知病減
夢魂安穩覺心平
深居不恨無來客
時有山禽自贊名

睡起

時開試院中
乙月餘矣

深閉重門謝簿書
日長添得睡工夫
水紋竹簟涼如洗
雲碧紗櫺薄欲無
半吐石榴看著子
新來梁燕見將雛
夢回茗碗聊須把
自埽桐陰置瓦爐

晚晴聞角有感

暑雨初收白帝城
小荷新竹夕陽明
十年塵土青衫色
萬里江山畫角聲

零落親朋勞遠夢淒涼鄉社負歸耕議郎博士多新奏誰致當時魯二生
別王伯高

冷落何人肯見尋斷弦塵匣媿知音傾家釀酒猶嫌少入海求詩未厭深
簿宦簿書常袞袞中年光景易駸駸香奩贈別非無意共約跼蹐看此心
醉中到白崖而歸

醉眼朦朧萬事空今年痛飲攘西東偶呼快馬迎新月却上輕輿御晚風
行路八千常是客丈夫五十未稱翁亂山缺處如橫綫遙指孤城翠靄中
十二月十九日晚巫山送客歸回望西寺小閣縹緲可愛遂與趙郭
二教授同遊抵夜乃還楚鄉偶得長句呈二君

送客沙頭落日催遙看重閣更同來清樽與悶都傾盡是日所攜酒俱飲盡倦馬和
詩總勒回顚顚遠遊悲騎省豪華前事記章臺歸時燈火參差晚自脫征
衣拂帽埃

小市

小市門前沙作堤杏花雖落不霑泥客心尚壯身先老江水方東我獨西

鬢憩軒窗仍汎埽遠遊書劍亦提攜子規應笑飄零慣故傍茅檐盡意啼
鄰山縣道上作

微雨晴時出驛門亂鶯啼處過江村挽花翠袖露餘馥迎日征鞍借小溫
客路一身真弔影故園萬里欲招魂鬢毛無色心猶壯藉草悲歌對酒尊
柳林酒家小樓

桃花如燒酒如油緩轡郊原當出遊微倦放教成午夢宿醒留得伴春愁
遠途始悟乾坤大晚節偏驚歲月遒記取晴明果州路半天高柳小青樓

南池

杜詩所謂安知有蒼池萬頃浸乾坤者今已盡廢

二月鶯花滿閬中城南搔首立衰翁數莖白髮愁無那萬頃蒼池事已空
陂復豈惟民食足渠成終助霸圖雄眼前碌碌誰知此漫走叢祠乞歲豐

池上有漢高帝廟

送范西叔赴台二首

選一

天涯流落過重陽楓葉搖丹已著霜衰病強陪蓮幕客淒涼又送石渠郎
杜陵雁下悲徂歲笠澤魚肥夢故鄉便恐從今長隔闊舊交新貴例相忘

自笑

自笑謀生事事疎年來雖與地俱無平章春韭秋菰味折補天吳紫鳳圖
食肉定知無骨相珥貂空自詆頭顱惟餘數卷殘書在破篋蕭然笑獠奴
歸次漢中境上

書事

雲棧屏山閱月遊馬蹄初喜躡梁州地連秦雍川原壯水下荆揚日夜流
遺虜孱孱甯遠略孤臣耿耿獨私憂良時恐作他年恨大散關頭又一秋
書事

長木晚興

生長江湖狎釣船跨鞍塞上又前緣雲埋廢苑呼鷹處雪暗荒郊射虎天
醪酒芳醇偏易醉胡羊肥美了無羶揚州雖有東歸日閑置車中定悵然
長木晚興

沮水嶠山名古今聊將行役當登臨斷橋煙雨梅花瘦絕磽風霜榭葉深
末路清愁常袞袞殘冬急景易駸駸故巢東望知何處空羨歸鴉解滿林
赴成都泛舟自三泉至益昌謀以明年下三峡

詩酒清狂二十年又摩病眼看西川心如老驥常千里身似春蠶已再眠